

BASAURIKO J.R. ETXEGARAY IKASTOLAKOAK JAVIER CONDERI



«Hasieran jendea morbo hutsagatik joaten zen gu ikustera»

JAVIER CONDE

Nork izan zuen zugan eragin nabarmenena korrika egiten hasteko?

• Herri kros bat izan zen nire lehenengo lasterketa. Herri krosetan parte hartzen hasi nintzen baina inolako markarik ateratzeko asmorik gabe. Hasieran denbora kaskarrak nituen, baina pixkanaka markak hobetuz joan nintzen eta orduan hasi nintzen pentsatzen agian nire etorkizuna hortik bidera nezakeela. Lehiaketetan hasi eta bi urte igaro ziren lehenengo domina lortu nuen arte.

Noiz sentitu zinen gustorago, lehenengo domina irabaztean ala paralinpiadetan lau dominak lortzean?

• Momentu bietan oso pozik sentitu nintzen, noski. Baina uste dut paralinpiadetatik etorri eta denbora pasatu ondoren hasi nintzela benetan gozatzen.

Noren ideia izan zen paralinpiadetan parte hartzea?

• Paralinpiadetan parte hartu baino lehen munduko errekor batzuk eskuratuak nituen baina hala ere ez nekien paralinpiadetara joan nintekeenik, eta federazioak ere ez. Jakin genuen bezain laster erabaki nuen joatea.


Datorren paralinpiadan parte hartuko al duzu?

• Bai, baina lau probatan korritu ordez bitan egingo dut soilik: 5.000 metrokoan eta maratoian. Orain zailagoak dira gauzak eta beraz nahiago dut bi proba hauek ongi prestatzea. Akaso 1.000 metrokoa ere prestatuko dut baina batez ere lehen aipatutako bi horiek.

Zer iritzi duzu paralinpiadez?


• Lan ona egiten dute. Hasieran jende asko morboagatik hurbil-

Duela hamabost urtetik korri eta korri dabil Javier Conde basauritarra. Horren aurretik, futbolean saiatu zen baina bere gorputza kirol hori egiteko ez zela egokia ikusirik, bakarkako kirol hau aukeratu zuen. Ordutik, hainbat sari jaso ditu. Horien artean Bartzelonako paralinpiadetan urrezko lau domina.



Lasterketa laburra bada hartaz gozatzea gustatzen zaio eta luzea bada berriz lehenbailehen hura amaitzea. XOUSE SIMAL

«Korrika egiteari uztean haurrak entrenatzea gustatuko litzaidake»



«Datorren paralinpiadetan 5.000 metrokoan eta maratoian korrituko dut»

Bitxikeriak

• Basauri ez zaio oso herri polita iruditzen baina, kanpoan egun asko egiten dituenean, bueltatzean herri zoragarriena da berarentzat. Futbola du kirol gustukoena eta Nieto, Ballesteros eta Indurain, berriz, kirolari miretsienak. Libururik ez du irakurtzen baina egunkariak bai eta asko; batez ere, berari buruzko berriak alderatzeko. Zine zalea ere bada Javier Conde, batez ere Robert de Niro eta

Jack Nicholson aktoreak filmean agertzen badira. Ikasgaietan, matematikak zituen gorroto.

tzen zen gu ikustera, ea inor erortzen zen, nor irfeten zen pistatik, eta abar. Baina gero ohartu ziren lehia benetakoa zela eta erlojuari begiratzen hasi ziren.

Oso lan garrantzitsua betetzen dute paralinpiadek: alde batetik, minusbaliatuak gizarteko partaide sentitzen dira, eta beste alde batetik jende arruntarekin hurbiltasuna lortzen da.

Korrika egiten duzunean zertan pentsatzen duzu?

• Lasterketaren arabera: laburra bada, lasterketaz gozatzea eta markarik onena egitea. Luzea bada, lehenbailehen helmugara heldzea.

Nekatuta zaudenean zerk bultzatzen zaitu jarraitzera?

• Lasaitzen ahal legintzen naiz eta filme mentar lak egiten ditut;

filme horietan irabazle ikusten dut neure burua. Horrelako gauzak: pentsamendu politikak eta alaiak.

Entrenatzailerik baduzu edo bakarrik entrenatzen zara?

• Entrenatzaile batzuk izan nituen baina gauzak ez zihoazen nik nahi bezala eta orduan futbolean gertatzen dena: talde bat gaizki doanean errazena entrenatzaile botatzea da, ba nire kasuan gauza bera gertatu zen. Gero denbora asko pasatu dut entrenatzailerik gabe, nire kontura. Duela gutxi, beste entrenatzaile bat hartu nuen, ea nola joaten zaizkigun gauzak.

Korrika egiteari utzi ondoren zertan ari nahiko zenuke?

• Haurrak entrenatzea gustatuko litzaidake. Basaurin oso kiroldegi ona daukagunez, jendea animatzen dadin saiatuko nintzateke.